

ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Waray
Tuig XXXVIX Num. 1
Enero 7, 2008
www.philippinerevolution.org


Editorial

Mag-ani hin dugang pa nga ngatanan-nga-gapil nga mga kadaugan yana nga tuig

Yana nga 2008, ginkikit-an han Partido an usa katuig hin dagko nga ngatanan-nga-gapil nga rebolusunaryo nga pagsulong. An magranggat nga kadaugan ngan ri-ko nga eksperyensya nga nakab-ot hadton nakalabay nga tuig ngaduha ha ligal nga pakigbisog ngan armado nga rebolusyon puhunan para ha dugang pa nga pagsulong han rebolusyon Pilipino.

Ha syahan nga tuig han brutal nga kampanya nga Oplan Bantay Laya (OBL) 2, napiritan an Armed Forces of the Philippines (AFP) nga aminon nga pakyas hira nga kab-uton an mga igintalaan nira nga target nga "rumkon" an pira nga prente gerilya. Antes ini, nabuksas ha publiko an internal nga pag-ases han AFP hinunong ha kapakyasan han lima katuig nga OBL 1 nga asya an sinundan han presente nga OBL 2. Puros buwa an iginhihinambog han AFP nga narumok nira an 13 nga prente gerilya han BHB hadton 2007 ngan marumok nira an 17 pa nga prente gerilya ha syahan la nga kwarter han 2008. Mas dagko pa nga kapakyasan an aatubangon han AFP tungod ha padayon nga paglarab han kalayo han gerra han katawhan ha bug-os nga nasud.

Tikang Luzon tubtub Mindanao, ginpakyas han mga yunit han BHB an mga dibisyon, brigada ngan batalyon an kadakuon nga kampanya nga panmumuytoy nga iginlansar han AFP para rumkon an ginsesering nira nga mga "balwarte" han armado nga rebolusunaryo nga kagiusan. Ha mga prente nga gindasmagan han mga pwera han AFP, diri la nakagpreserbar hin kusog an mga yunit han BHB, padayon pa ini hira nga nakagpahilarum hin paggamot ha masa, nakag-



Mga landaw hini nga isyu...

Mga kadaugan han rebolusyon ha Panay
PAYPAY 3

Minahan ha Cotabato, ginsirutan han BHB
PAYPAY 3

Pabrika ha butnga han kagugub-an
PAHINA 4

mentinar hin inisyatiba militar ngan igindaug an damo nga kontra-atake ha kaaway. Kadungan hini, nakagpahiluag pa ngan nakaglansar an BHB hin damo nga taktikal nga opensiba ha mga lugar kun diin relatibo nga manipis an deployment han kaaway.

Usa ha mga landaw nga ekspersyensa an pag-atubang ngan pagpakyas han Pulang Diwata Command han BHB ha kampanya militar han 4th Infantry Division han Philippine Army ha Northeastern Mindanao. Pakyas an sustenido nga mga operasyon militar han AFP nga rumkon an duha nga prente nga ginkonsidera hini nga prayoridad nga atakihon. Nakaglansar an mga Pula nga mangaraway hini nga mga prente hin 42 nga taktikal nga opensiba ngan nakakumpiska hin 25 nga armas. Masobra 103 nga tropa han AFP an namatay ngan 50 an nasamaran.

Ha Panay, naglansar an AFP hin mga operasyon nga brigada ngan batalyon an kadakuon para pirdihon an rebolusyunaryo nga kagiusan didto. Kundi ha katapusan, an naipanhambog nala han AFP in mga ritrato han mga kampo han BHB nga maiha na nga ginbayaan han mga gerilya.

An pagdagsa han mga pwersa han AFP ha isla naghatag ha mga Pu-

la nga mangaraway didto hin damo nga higayon nga makaglansar hin mga isnayp ngan ambus nga operasyon. Damo ha kaaway an namatay, samtang waray bisan usa nga Pula nga mangaraway an namatay. Kabaliskaran han pagbinuwa han AFP nga pirde na an rebolusyunaryo nga kagiusan ha isla, ginkikit-an pa an Panay hin signipikante nga pagdako ngan pagrayhak ha pagdepensa ngan pagato han kaapihan han Partido, hukbong bayan ngan rebolusyunaryo nga kagiusan atubangan han magkusog kaupay nga atake han kaaway (*kitaa an kasumpay nga artikulo*).

Ha 22 nga mayor nga taktikal nga opensiba han BHB kontra ha AFP ha Ilocos-Cordillera, ngan bisan ha tulo nga depensiba kun diin naagaw han mga gerilya an inisyatiba, dako an naiban ha mga pwersa han kaaway. Namatay an 60 nga tropa ngan 38 an nasamaran ha gapil han AFP. Hini nga agway, upat nga opisyal ngan tawuhan han AFP an nakaptura han BHB.

Pipira la ini ha magdinaugon nga taktikal nga opensiba han BHB ha iba-iba nga dapit han nasud hadton 2007. Damo pa nga opensiba ha iba-iba nga rehiyon an waray pa mahireport ha *Ang Bayan*. Ha pira pa la nga nahireport na ha *Ang Bayan*, diri ma-

menos ha 204 nga elemento han kaaway an namatay ngan masobra 149 an nasamaran. Siyam nga mga sundalo ngan elemento han CAFGU an nakaptura ha mga engkwentro ngan ha dayuday ginbuhian ha makatawo nga basaranan. Nahimo liwat an pagsirot ha mga elemento han *death squad* han AFP nga dabi ha ekstrahudisyal nga panmatay ngan pagsikmit. Ginpatukan hira hin sirot katapos han makurimot nga mga imbestigasyon subay ha mga rebolusyunaryo nga hudisyal nga proseso.

Nakumpiska han BHB an diri ma- menos ha 327 nga armas nga kadam-an magbakod nga riple, yukut-yukot nga bala ngan iba-iba nga gamit-militar ngan pankomunikasyon nga kagamitan. Ini nga mga armas ngan kagamitan sadang para armas an tulo kakumpanya hin mga bag-o nga mangaraway. Landaw hini nga mga opensiba an reyde ha Davao Penal Colony kun diin nakakumpiska an mga Pula nga mangaraway hin 108 nga armas nga waray magpabuto.

Subay ha panawagan han Komite Sentral han PKP, nakatutok yana an bug-os nga rebolusyunaryo nga kagiusan ha ngatanan-nga-gapil nga pag-aayos han mga rebolusyunaryo nga buruhaton para pakusgon an pagpapasulong ha rebolusyunaryo nga pakigbisog han katawhan yana nga tuig ngan padagmiton an pagsakob ha butnga nga parte han istrategiko nga depensiba nga balitang han gerra han katawhan. Samtang determinado nga gin-aatuhan han ngatanan nga rebolusyunaryo nga pwersa an panmumuyop ngan pagpapakuri han rehimen US-Arroyo ha katawhan, nagios hira nga nakikit-an an istrategiko nga katuyuanan nga agawon an poder pampolitika tikang ha mga reaksyunaryo nga naghahadi nga klase, tapuson an bug-os nga bagakolonyal ngan bagapyudal nga paghahadi ha nasud, tangpuson an nasyunal-demokratiko nga balitang ngan kumadto ha mga masunod nga balitang han rebolusyon Pilipino. **AB**



Tuig XXXIX Num. 1 Enero 7, 2008

Igin-gagawas an *Ang Bayan* ha yinaknan nga Pilipino, Bisaya, Iloko, Hiligaynon, Waray ngan Ingles.

Mahihimo ini nga i-download tikang ha Philippine Revolution Web Central nga makikita ha:

www.philippinerevolution.org

Nakarawat an *Ang Bayan* hin mga kontribusyon ha porma hin mga artikulo ngan balita. Gin-aaghat liwat an mga mambarasa nga magpaabot hin mga suson ngan rekomendasyon ha ikauuswag han aton pahayagan. Maaabot kami pinaagi han mga *email* ha: angbayan@yahoo.com

Gin-uunod

Editoryal

Mag-ani hin mga kadaugan yana nga tuig **1**

Mga kadaugan ha Panay **3**

Magdinaugon nga TO

Minahan, ginsirutan han BHB **3**

Detatsment han pulis, gin-atake **4**

Pabrika ha butnga han kagugub-an **4**

Panhihibang han pasista nga estado

Buaw nga SOMO **5**

Palparan, dabi ha pagsikmit **6**

Aktibista, katin han militar **6**

Pandestroso ha Manila North Harbor **7**

Tawag han paniniyupi **8**

Balita **9**

Iginpublikar an *Ang Bayan* duha kabeses kada bulan han Komite Sentral han Partido Komunista han Pilipinas

Mga kadaugan han rebolusyon ha Panay


Dinako an rebolusyunaryo nga pwersa ha Panay, kinusog an kakayahan ngan hiniluag an impluwensya ha luyo han panhihibang han Oplan Bantay Laya 2 hadton 2007.

Ha usa nga pahayag hini nga ika-39 nga anibersaryo han Partido hadton Disyembre 26, ginsering han Komite nga Rehiyon han PKP ha isla nga yukut-yukot nga Panayanon an pinartisipar ha armado nga pakigbisog ngan inapi ha Bagong Hukbong Bayan o ha mga rebolusyunaryo nga organisasyon masa ha hingyap nga tapuson an rehimen US-Arroyo.

Damo an nakakita han panginahanglan nga mag-organisa para kolektibo nira nga masolbar an ira mga problema pinaagi han mga organo han poder pampolitika. Inumento hin 47% an kaapihan han mga organisasyon masa ha kabaryuhan. Dinako an BHB, kalakip na an milisya han katawhan nga nakatagamtam hin 85% nga pagdako. Dinako liwat hin 20% an kaapihan han Partido hini nga 2007 ha luyo han madarahug nga paglanat han desperado nga reaksyunaryo nga rehimen. Ini na an pinakadako nga tantos han pagtubo ha isla tikang iglansar an Ikaduha nga Dakila nga Kagiusan Pagtutul-id hadton 1994 ha Panay.

Nakab-ot han rebolusyunaryo nga kagiusan ha isla an sugad nga pag-uswag ha luyo han paglalansar han 301st IBde hin sumobra-kumulang napulo nga brigada-an-kakusgon ngan mga 100 nga batalyon ngan kumpanya-an-kakusgon nga operasyon hadton 2007. Nagwaldas an reaksyunaryo nga gobyerno hin milyun-milyon kapesos ngan dugang nga ginpeperwisyo an unob na nga nagkukuri nga mulupyo para la mailansar an usa nga gerra nga waray iba nga katuyuanan kundi sulayon an rehimen US-Arroyo.

Tungod ha naabot na hini nga armado ngan pampolitika nga kusog, kaya na han Partido Komunista ha Panay nga magpatuman hin mga rebolusyunaryo nga palisiya ngaduha ha sakob ngan gawas han lugop han mga sona gerilya ngan magpatok hin rebolusyunaryo nga hustisya ha hiluag nga parte han isla.

Ginlalauman an dugang pa nga pagkusog han sugad nga impluwensya samtang nagtitikahitaas an lebel han kapukawan ngan pagkaurusa han katawhan nga atuhan an sustenido nga armado nga atake han rehimen US-Arroyo. Sering han PKP-Panay, an mga mapanmuypoy mismo nga mga palisiya ni Gloria Arroyo an padayon nga nagduduso ha katawhan nga hangkupan an armado nga rebolusyon. 



Langyawanon nga minahan, ginsirutan han BHB

Gin-atake han usa kaplatun han Bagong Hukbong Bayan (BHB) hadton Enero 1 an base nga kampo han Sagittarius Mines, Inc. (SMI) ha Barangay Tablu, Tampakan, South Cotabato. Gindis-armahan an mga gwardya ngan ginruba an mga kagamitan hini ha pagmimina. Ha paglansar han atake, katuyuanan han BHB nga sirutan an higante nga kompanya nga Swiss tungod ha panlupot hin tuna, pandarabong ngan pagruba ha kalibungan, sumala kan Gregorio "Ka Roger" Rosal, tagapagyakan han Partido Komunista han Pilipinas.

Iginpaliwanag han tagapagyakan han PKP nga igintayming ha bakasyon an reyd para malikyan nga mahilapid an mga trabahador ngan empleyado hini. Waray nasamaran ha mga sibilyan o empleyado han SMI. Usa nga *shotgun*, usa nga radyo pankomunikasyon ngan pira pa nga kagamitan an nakumpiska han BHB.

An iginlansar nga aksyon militar usa nga "signipikante nga pitad ha paningkamot nga tangpuson an mapanhihang ngan mapandambong nga mga operasyon ha pagmimina han kompanya; depensahan an ansestral nga katunaan han tribo nga B'laan; protektahan an balanse nga pan-kalibungan han Liguasan Marsh ngan suplay nga tubig ha mga lugar han South Cotabato, North Cotabato, Sultan Kudarat ngan General Santos City; ngan atuhan an kampanya han rehimen Arroyo nga igmasyar an natural nga karikuhan han nasud ha dagko nga langyaw nga kapitalista."

Mahinunumduman nga tikang pa hadton dekada 1990 aktibo na nga gintitipahan han katawhan an pagmimina han tanso ngan bulawan han Western Mining Corporation (WMC), nga ginsaliwnan an ngaran ngadto ha Tampakan Mineral Resources Corporation. Hadton 2002, iginpadayon han SMI an operasyon han WMC katapos ini umundang resulta han makusog nga pagtipa han katawhan. Lugop han pagmimina an mga gig-utan nga kabubkiran han Tampakan ha South Cotabato, Columbio ha Sultan Kudarat ngan Kiblawan ha Davao del Norte.

Ginpapahilawig yana han SMI an ira *pre-feasibility study*. Naglalaum an kompanya nga hiluagan ini nga makakagmina hin tanso ngan bulawan ha 2012. Gin-eestimit nga may-ada 11.6 milyones katonelada hin tanso ngan 14.6 milyones ka-onsa hin bulawan didto. An pagmimina nga hihimuon ha pamaagi nga *open pit* titikangan ha 2010 ha kagugub-an han mga baryo han Bong Mal, Tablu, Danlag ngan Folu Bato ha Tampakan. "An mga operasyon nga *open pit* usa ha mga pamaagi nga pinaka-mapanhihang ha kalibungan. Ginhihibang hini an burubug-os nga kagugub-an ngan *watershed* nga erya," sering ni Rosal.

An reyd ha SMI nasubay ha ka-bug-usan nga direktiba han PKP nga ulangon ngan pugngan an mga operasyon han dagko nga langyaw nga kompanya ha pagmimina nga ginpapasakob han rehimen Arroyo ha nasud para dambungon an mga natural nga karikuhan han Pilipinas. “Ginpapasakob han rehimen Arroyo an dagko nga langyaw nga kompanya ha pagmimina para hut-huton an bilyun-bilyon kadolyar nga kantidad han natural nga karikuhan han Pilipinas ha dugang nga kahibangan han panginabuhi han katawhan ngan han kalibungan.” **AB**

Detatsment han pulis, gin-atake han BHB

Madinaugon nga ginreyd han Bagong Hukbong Bayan (BHB) an istasyon han pulisya ngan munisipyo han Hinabangan, Samar hadton Disyembre 23. Usa nga M16, usa nga M14 ngan tulo nga haglipot nga pusil an nakumpiska han mga Pula nga mangaraway, sumala ha mga inisyal nga report. Usa nga elemento han CAFGU an namatay ha bulusay han buto. Waray kaswalti ha gapil han BHB.

Ginpanhimuwa hini nga reyd an paghinambog han AFP nga mapupuyop na hini an BHB ha Eastern Visayas.

Gindayaw ni Gregorio “Ka Roger” Rosal, tagapagyakan han PKP, an pag-atake han BHB ha munisipyo han Hinabangan ngan hedkwarters han pulisya. Sering niya, pagpapakita ini han “determinasyon ngan kapas” han armado nga rebolusyunaryo nga kagiusan nga pipirdihon an kontra-rebolusyunaryo nga gerra han terorismo han rehimen US-Arroyo. **AB**

Pabrika ha butnga han kagugub-an

Ha panalinguha nga pakusgon ngan isahon an balitang han gerra han katawhan, padayon nga ginpapahitaas han Bagong Hukbong Bayan (BHB) an kakayahan militar hini, kasagubay han pagpadig-on han pampolitika nga pagkaurusa han masa ngan hukbo. Kaparte hini nga panalinguha an pakusgon an pan-gerra nga arsenal han BHB gamit an ngatanan nga posible nga pan-away nga armas ha kaaway.

Kasumpay hini, usa nga “pabrika” an gintukod han BHB hadton 2002 ha rehiyon han Ilocos-Cordillera para ha produksyon hin mga higamit pan-gerra. Ha butnga han kagugub-an, usa nga yunit han BHB an magkulop nga nagtatrabaho para maghimo hin mga higamit pan-gerra sugad han mga granada ngan man-ngupay hin mga armas han hukbong bayan.

Usa nga nasyunal nga minoriya tikang ha kablas nga saray han klase nga parag-uma hi Ka Yani. Maupay hiya nga panday, kilala nga episyente ngan eksperyensyado ha buruhaton militar. Hiya an naghihimo han kaha han mga granada.

Hi Ka Piolo—nanmamalit hadto hin botelya ngan puthaw ngan nagsusudoy hin *fishball* ha kalsada—nagkukuskos hiya han *lever* han granada para diri tauyon.

Nag-uusaan nga babaye hi Ka Lea ha pabrika. *Domestic helper* hiya hadto ha iba


nga nasud ngan yana usa nga Pula nga mangaraway nga nagtetreyning ha mga buruhaton ha *shop*. Patiaw hiya nga gintatawag nga “aprentis.”

Trabahador liwat hadto ha Saudi hi Ka Iking. Hiya an panday nga naghihimo hin mga pyesa nga puthaw pinaagi han pagmamaso han nagbabaga nga metal.

Pino gumios ngan pinakama-huyò hi Ka Anino. Sobra na 20 anyos hiya nga mangaraway. Usa liwat hiya nga nasyunal nga minoriya tikang ha butnga nga klase. Hiya an napa-pel han pinaka-sensitibo nga parte han produksyon han mga eksplosibo—an paghimo hin *fuse* (pabilo).

Komplikado an proseso han pagkahibaro nga gin-agian han yunit para maabot an presente nga balitang han ira kahibaran—usa nga proseso nga may-ada kinaiya hin pagin makurimot nga paghurma, pagproyba, seryoso nga pag-aram, ngan utro nga paghurma. Nasarig hira ha mga siyentipiko nga pamaagi ngan ha hilaw nga materyales nga maku-kuha ha lokal nga merkado.

Luyo han mga ginkaatubang nga problema, padayon nga napapauswag han grupo an ira mga hinimo. An mga granada nga produkto na han grupo nag-iiba na hin pira katuig an



tes maparso, tikang han hadto anay tag-unom kabulan. Eksperto na liwat hira ha pan-ngupay hin mga pusil.

An mga nahihimo nga eksplosibo para ha paggamit han BHB amo adton gin-ngangaranan nga CDX o *command detonated explosives* nga kontrolado an pagpabuto para maitadong ha mga lehitimo la nga target ngan malikyan nga mahimutang ha kadelikaduhan an mga sibilyan.

Waray hira pagturaw ha pagpauswag han desinyo ngan pagpino ha gudti ngan sensitibo nga parte han mga higamit.


Buhi kaupay an kolektibo nga saru-saruay, pag-analisar ngan pagpapauswag han kahibaruan ngan praktika ha ira pabrika. Kada adlaw, pagkahuman han produksyon, nagmimiting hira para aseson ngan resolbahun an mga problema antes hira dudrungan nga nakadto ha kusina pag-abot han pagsirom agud magharampang naman han pangiklop.

“Nahibabaro kita tikang ha kalugaringon nga eksperyensya ngan ha mga panalinguha han nahiuana nga mga kasama nga naghimo hin mga simple nga higamit pandepensa,” pulong ni Ka Anino. May-ada kinaiyahan an yunit hin hitaas nga interes ha pagdiskobre ngan kahibaro. Damo na an ira gin-adman nga higamit-militar, kalakip an mga pinalya nga bomba nga himo han US nga ginhulog han AFP.

Tungod kay unob nga peligruso an linya han ira buruhaton, hul-os an paghirot han grupo ha ira trabaho. May-ada mga regulasyon para ha kalibrihan ngan hugot nga naghahasog an ngatanan. May-ada mga pamaagi para makalikay ha aksidente bisan ha sensitibo nga responsabilidad. “SAFETY FIRST” an mga pulong nga nagpapahinumdom ha kada usa nga maghirot gud. “Mas importante an tawo itanding ha gamit,” sering han grupo.

Santop han grupo an papel han eksplosibo ha ka-bug-usan nga pagsulong han gerra han katawhan.

Dako nga bulig an eksplosibo nga buruhaton ha mga kadaugan han mga taktikal nga opensiba. “Syempre, nangunguna an mga sangkap nga sugad han maupay nga paniktik, pagplano, pagpapahiara ngan iba pa...Pero may-ada mga eksperyensya nga nagin kritikal an papel han eksplosibo ha pagin madinaugon han damo na nga partikular nga aksyon nga iginlansar han yunit han BHB kontra ha mas damo ngan mas dako nga pwersa han AFP.”

Segurado, magigin dako nga parte ini nga guti ngan diri ordinaryo nga “pabrika” ha damo nga magdinaugon nga taktikal nga opensiba nga igpapatuman han Bagong Hukbong Bayan, mga opensiba nga magpapadagmit ha pagbagsak han dunot nga reaksyunaryo ngan niyu-tiyo nga rehimen Arroyo. Magigin kaparte han kasaysayan an sugad hini nga damo nga “pabrika” nga ginlalambongan han madakmol nga kagugub-an ngan nakikigbisog nga katawhan. 


Buaw nga SOMO

Nabuksas an pagkabuaw han deklarado nga *suspension of offensive military operations* (SOMO) han rehimen Arroyo tikang Disyembre 16 tubtub Enero 6 han mahireport an hiluagan nga pagtalapas han AFP ha kalugaringon hini nga SOMO. Usa nga parag-uma an ginsikmit hadton bisperas han Pasko ha Cagayan ngan upat nga parag-uma an iligal nga gin-aresto, iginpailarum ha interogasyon ngan gindetenir ha Catanduanes. Hini nga mga lugar waray hunong an mga operasyon militar ha luyo han SOMO han gobyerno Arroyo.

Disyembre 24. Ginsikmit han mga elemento han 21st IB hi Marvin “Piltok” Mendez, 25 anyos, ha Barangay Virginia, Piat, Cagayan. Hi Mendez, usa nga parag-uma nga nagdako ha Barangay Villagracia, Maddela, Quirino nga kinadto ha Piat para bumisita ha iya mga kasangkayan. Sigon ha mga testigos, nakit-an nira nga gintatagaan han mga sundalo hi Mendez ha Barangay Lipatan, Sto. Niño, Cagayan. Urhi hiya nga nahikit-an ha kampo han 21st IB ha Barangay Virginia hadton Disyembre 25. Waray pa gihap hiya igpapakita ngada yana. An pagsikmit kan Mendez kalakip ha mga pagtalapas han 5th ID ha deklarado nga ukoy-bubto han gobyerno Arroyo hini nga Kapaskuhan. Waray na hunong nga nag-inoperasyon ha iba-iba nga bungto han Cagayan ngan Isabela an mga yunit ilarum han 5th ID tikang pa hadton syahan nga semana han Disyembre.

Disyembre 18. Masobra 1,800 kapamilya tikang ha mga barangay han Bohe Suyak, Sungkayot ngan Tongbato ha Tipo-tipo, Basilan an napiritan mag-ebakwet tungod ha makusog nga operasyon militar kontra ha mga gerilya han MILF. Duha nga sundalo ngan unom nga sibilyan an namatay ha operasyon nga iginlansar han mga elemento han Philippine Marines nga inatuhan han MILF. Ginamit hin kanyon an nangatake nga Marines ngan tungod hini waray makaghimo an mga residente han ira tinuig nga selebrasyon han Eid’ d Adha o patron han pagsasakripisyo.

Disyembre 14-16. Arbitraryo nga gin-aresto hadton Disyembre 16 han mga elemento han 65th IB ha Barangay Iyao, Caramoran, Catanduanes hira Elvis Santillano, Juanito Lucero Jr. ngan Bonifacio Solsona, puros nga taga-Barangay Iyao. Iginpailarum hira ha





interogasyon ngan iligal nga ginde-tenir hin upat kaadlaw. Iginpaga-was pa han militar ha midya nga hira amo an mga sinurender nga mangaraway han BHB. Ngada yana katin pa gihap han militar hi Lucero.

Hiton liwat nga adlaw arbitrar-yo nga gin-aresto ha Barangay Sabloyon, Caramoran hi JR Velasco.

Hadton Disyembre 15 naman tinuyo nga ginpabuthan han mga elemento han 65th IB an kabablayan ha Barangay Sabloyon. Naigo an balay ni Karen Pia, nga may-ada tres anyos nga anak. Para makompleto an palabas nga nakaengkwen-tro nira an BHB, nagpabuto liwat an mga sundalo nga nakapwesto ha tabok. Nagbuhi pa ini hira hin duha nga bomba hirani ha eskoylahan.

Iligal naman nga gin-aresto ha Barangay Iyao hadton Disyembre 14 hi Edmundo Santillano. Gin-interogar hiya ngan gin-haras ngan pirit nga iginpasurender an iya desiba nga gamit niya pamanwa.

Disyembre 12-16. Ginsikmit han mga sundalo, pito kabeses nga ginbunô ngan iginlabog ha pagkase-ring nga patay na hi Renante Romagus, usa nga parag-uma nga taga-Monkayo, Compostela Valley. Tipakadto hi Romagus ha iya umhanan agud mag-uring ngan magtubâ hin saging para gamiton kunta ha kumpli-anyo han iya anak kinabuwasan.

Pero han pag-abot niya ha Puruk 3, Barangay Casoon, ginsikmit hi Romagus han mga nag-ooperasyon nga sundalo han 28th IB. Dayon hiya ginharap, ginhunghungan an baba ngan gin-gapos. Tikang Disyembre 13 tubtub 16 gintortyur ngan gin-ininterogar hi Romagus ha detatsment han militar ha Barangay Rizal ha tahap nga membro hiya han Bagong Hukbong Bayan. Hadton gab-i han Disyembre 16 gindara hi Romagus han militar ha Barangay Hagimitan ngan didto hiya iginlabog. AB

Palparan, dabi ha pagsikmit—*Court of Appeals*

Dabi hi Brig. Gen. Jovito Palparan ngan an pira nga militar nga tawuhan ha pagsikmit ha magbugto nga Reynaldo ngan Raymond Manalo hadton 2006, sumala ha 2nd Division han Court of Appeals (CA). Iginpagawas an 30 kapaypay nga desisyon hadton urhi nga semana han Disyembre kasumpay han paghatag hin *writ of amparo* ha magbugto.

Anay hepe han 7th Infantry Division nga nakabase ha Central Luzon hi General Palparan. Sumala ha CA, napamatud-an nga ginsikmit an magbugto, gintortyur ngan gindetenir han mga elemento han 7th ID ngan ini ngatanan may-ada hul-os nga kahibaruan hi Palparan. Iginsaysay han magbugto ha korte nga kinadto mismo hi Palparan ha ira prisuhan agud sidngan hira nga kinahanglan diri magsumat ha mga otoridad an ira mga kaurupdan.

Hi M/Sgt. Donald Caigas, usa ha mga gin-ngaranan nga tawuhan ni Palparan nga dabi liwat ha pagsikmit ha magbugto gin-aresto diri pala maiha ha lain nga kaso pero nakagpiyansa hiya ngan dayon ginbuhian. Bisan damo an kaso nga nakasalawad kontra ha iya, iginpadara hiya han rehimen Arroyo ha Haiti komo membro han United Nations Stabilization Mission didto.

Nananawagan an Karapatan-Central Luzon nga kinahanglan arestuhon ngan kasuhan hi Palparan ha iya pamumuno ngan partisipasyon ha serye hin mga pansikmit, *enforced disappearances* ngan ekstrahudisyal nga panmatay ha mga aktibista. AB

Nawawarâ nga aktibista, katin han militar

Temporaryo nga igin-atubang ha midya han 62nd IB hadton Disyembre 26 hira Manuel Pajarito ngan Juliet Fernandez, mag-asawa nga aktibista han PAMALAKAYA nga ginsikmit han militar hadton Mayo 11, 2007 ha usa nga tsekpoynit ha Pinabacdao, Samar. Pito kabulan hira nga gintinago han militar ngan ginhikawan han katungod nga makigsumpay ha ira mga kaurupdan ngan abogado. Hi Fernandez nga burod han sikmiton, nanganak ha prisuhan hadton Nobyembre 21.

Igin-atubang ha midya an duha agud panhimuwaon kuno nga ginmamaltrato hira han militar. Pero duda an ira mga kaurupdan, kasangkayan ngan organisasyon nga talwas an ginhimo nira nga pagpahayag.

Sigon ha Karapatan, kaurugan na nga kondisyon ha pagpakita ha mga ginsikmit an sugad nga pagpapahayag agud pagawson nga “boluntaryo nga pagkaruyag” an pagprisuha han militar ha ira. Kontrolado han militar an kada gios ngan pulong nira Pajarito ngan Fernandez tungod kay ginhimo an pag-atubang nira ha midya ha usa nga *safehouse* han AFP.

Padayon nga iginlilikaw han militar kun hain an duha. Kabalis-karan ha ira mga katungod, diri hira gintutugutan nga makasumpay ha ira pamilya ngan abogado.

Kakasuhan han PAMALAKAYA an mga elemento han 62nd IB kasumpay han iligal nga pag-aresto ngan pagdetenir o pagsikmit ha duha nga biktima. AB

Pandestroso ha Manila North Harbor

Hadton Pebrero 2006, gin-aprubahan han rehimen Arroyo ilarum han Port Modernization Program an pribatisasyon han mga pantalan ha Manila North Harbor. Prinsipal nga naglalaway hini nga pribatisasyon an pira nga dagko nga burgis komprador nga puros mga kroni ni Gloria Arroyo.

An Manila North Harbor nga aada ha Tondo, Manila usa ha 11 nga prinsipal nga pantalan ha Pilipinas. Ginkomponer ini han Pier 2, 4, 6, 8, 10, 12, 14, 16, 18 ngan han Veterans Shipyard. Ha Manila North Harbor naduong an haros ngatanan nga mga lokal nga barko nga pan-negosyo ngan pampasahero. May-ada masobra 500 nga pantalan ha nasud ngan 240 hini kontrolado han mga pribado nga indibiduwal ngan korporasyon. An ngatanan nga mga pantalan gindudumara han Philippine Ports Authority (PPA).

Interesado kaupay ha pribatisasyon han North Harbor an North Harbor Consortium, usa nga grupo

han mga kompanya nga gintatag-iyahan nga mga kroni ni Arroyo. Ginkomponer ini han Asian Terminals, Inc. ni Enrique Aboitiz, International Container Terminal Services, Inc. ni Enrique Razon ngan Harbour Centre Port Terminals Inc. ni Reghis Romero. Karibal naman nira an Pier 8 Arrastre & Stevedoring Services ngan Prudential Customs Brokerage.

Todo-buhos han rekurso hi Arroyo para igduso an pribatisasyon han Manila North Harbor. Hadton Setyembre 2006, nagpahayag an Metropolitan Manila Development Authority (MMDA) nga igdedemolis hini an ngatanan nga kablas nga komunidad tikang ha Manila Hotel

tubtub Radial 10 ha Tondo ngan tubtub Navotas. Diri paman nahuman an *bidding* iginpapatuman na an demolisyon ha iba nga parte han palibot han pantalan. Katuyuanan han demolisyon nga hawanan an hiluag nga katunaan para magamit han burgesya komprador nga magkokontrol ha North Harbor. Mabot ha 48.5 kaektarya an sakop han kabug-usan nga proyekto.

Libang ha pagpalayas ha mga tawo an Department of Social Welfare and Development (DSWD). Ha Mabuhay Road 10, pananglitan, ginpapapirma han DSWD an mga residente hin kasuratan nga nagdidiri ha ira nga magtindog utro hin mga balay kun igdemolis hira ngan nagdidiri ha ira nga magsalawad hin kaso kontra ha DSWD. Makarawat kuno an mga residente hin ayuda nga ₱21,000.

Mas grabe pa, tikang Disyembre 2006 nagdeploy na an rehimen hin mga yunit han militar ha mga apektado nga komunidad ha Tondo ha katuyuanan nga puppuyon an pagtipa han mulupyo ha mapanhibang nga proyekto. Damo na an naireport nga mga pagtalapas ha tawhanon nga katungod ha lugar. Usa nga pananglitan an iligal nga pag-aresto ngan pagtortur han mga elemento han Philippine Army-National Capital Regional Command ha 18 nga residente han Parola compound hadton Setyembre 5. Dise-syete ha mga biktima mga menor de edad.

Ha pribatisasyon han North Harbor, mawawarayan hin panginabuhi ngan estaran an maabot ha 141,500 nga pamilya o 849,000 nga indibiduwal. Aada ha palibot han North Harbor an mga ko-



munidad han Parola, Isla Puting Bato/Breakwater, Collector's Road, Radial 10 ngan Barangay 105 nga naglulupgop ha mga komunidad han Aroma, Gloriakrap ngan Hap- pyland.

An pagtatrabaho ha North Har- bor an prinsipal nga ikinabubuhi han mayoriya han mulupyo han Tondo. Maabot ha 5,000 nga resi- dente han Tondo mga trabahador ngan empleyado ha mga pantalan ha lugar. Kaupod hini an masobra 1,000 nga trabahador han United Dockhandler's Inc.; 350 nga traba- hador han Pier 8 Arrastre and Stevedoring Services, Inc.; 400 nga trabahador han North Star Port Development Corporation; 250 nga trabahador han Isla Pu- ting Bato Arrastre and Stevedoring Corporation; ngan 250 nga traba- hador han Veterans Shipyard. May- ada liwat 1,500 nga trabahador ha 200 nga kompanya nga may-ada kontrata ha iba-iba nga linya han serbisyo ha pantalan.

Mawarayan hin panginabuhi an 5,000 nga trabahador ha Mani- la North Harbor kun igpapatuman an pribatisasyon. Plano nga guma- mit hin moderno nga teknolohiya an pribatisado nga pantalan nga masaliwan ha mga trabahador. Wa- ray ha plano an paghatag ha mga trabahador hin bag-o nga trabaho. Maaapektuhan liwat han plano nga pribatisasyon an gintatantiya nga 2,500 nga empleyado han PPA ha bug-os nga nasud.

An nakatalaan nga pribatisa- syon han Manila North Harbor usa la ha mga peke nga proyekto pan- kauswagan han rehimen US-Arroyo. Nakatadong ini ha kaupayan la han mga kapitalista ngan waray ini labot ha kaupayan ngan interes han mga kabras. Kaangayan la nga padayon nga atuhan han katawhan ha palibot han Manila North Harbor ini nga mapanhibang nga proyekto ngan ig-insister an ira katungod ha estaran ngan panginabuhi. AB

Mga call center ha Pilipinas

Tawag han paniniyupi

Usa ha pirme nga iginhihinambog han rehimen Arroyo an pagsa- kob han mga langyawanon nga negosyo ha nasud. Pinakadagko hini yana an *business process outsourcing* o BPO kun diin kadak- an aada ha porma han mga *call center*.


An *call center* usa nga opisina nga nakarawat hin mga tawag ti- kang ha mga kostumer han iba-iba nga dagko nga kliyente nga kom- panya nga nakabase ha kada taga nira nga nasud. Kadam-an han mga natawag nangangaro hin impor- masyon ngan bulig tikang ha mga gintatawagan nga kompanya o nag- papadangat hin mga reklamo ha mga produkto o serbisyo han kom- panya. Kadam-an han mga kliyente han mga *call center* dagko nga bangko, mga kompanya ha transportasyon, kompyuter ngan serbisyo nga pampinansya ha lang- yaw nga labnasan. Kadam-an (80%) han mga *call center* gintatag-iy a o subsidyaryo han mga imperyalista nga kompanya ha US. Usa nga pa- nanglitan hini an JP Morgan, usa ha mga higante nga kompanya pampinansya ha kalibutan.

Ha presente, gintantiya nga aa- da ha mga 225,000 an mga emple- yado han mga *call center* nga naka- sarang ha mga prinsipal nga syudad ha nasud. Sigon ha mga istadistika han rehimen, an kita han mga *call center* hadton naglabay nga tuig nakag-amot hin 2% ha GDP (Gross Domestic Product o kabug-usan nga produkto ha sakob han nasud).

Usa an Pilipinas ha may-ada pinakadagko nga ihap han mga *call center*. Naikaduha la ini ha In- dia. Ginlalauman han rehimen nga pag-abot han 2010 maabot hin usa kamilyon an magigin empleya- do han mga *call center* ngan maus- wag hin \$12 bilyones an kabug- usan nga kita hini.

Ha kadako han ginlalauman nga kita han nasud tikang ha mga *call center*, ginduduso pa yana han rehimen an bag-o nga mga kuriku- lum ngan *practicum* para ha mga istudyante nga naghihingyap magin *call center agent*. Nag-alo- taga pa hi Arroyo hin gidadakui nga pundo (P350 milyones) para ha Technical Education and Skills Development Authority (TESDA) para la ha pagpahiaran han mga istudyante ha mga *call center*.

Madali makapangen-ganyar an *call center* ha mga kabatan-unan nga nakag-eskoyla tungod ha relatibo nga dako nga sweldo dinhi



(P15,000-P25,000 kada bulan). Madali kaupay an pagsakob dinhi tungod kay nakarawat ini hin mga aplikante bisan kun waray pakatangpos ha kolehiyo. Mapasar na basta relatibo nga maupay magyakan hin Ingles (baga-baga hin Amerikano) nga may-ada kasadangan nga kahibaruan ha pagkompyuter.

Sugadpaman, labot nga temporaryo la an sugad hini nga empleyo, gihitaasi an tantos han paniniyupi dinhi. Sigon ha Kilusang Mayo Uno (KMU), haros ngatanan nga mga empleyado ha mga *call center* kontraktual. Kaudgan lima la kabulan an mga kontrata nira ngan ha abereyds naabot la hin 18-24 kabulan an ilinalastar han mga *call center agent*. Gindiri an pagtukod hin unyon hini nga mga kompanya, sanglit may-ada pa kakurian nga maipakig-away an seguridad ha empleyo han mga empleyado dinhi.

Hitaas man ha kaudgan nga sweldo ha nasud an ira nakakarawat, hibubo pa gihapon ini itanding ha nakakarawat han mga empleyado nga Amerikano nga pareho liwat ha ira an ginhihimo kundi nakakakuha hin masobra tulo kapilo nga mas dako nga kita kada bulan. Dagmit liwat nga nauubos an ira mga sweldo. Hitaas an buhis nga ginsusukot ha ira. Tungod kay impluwensyado hira ha langyawanon nga kultura ngan pakabuhi, dagmit hira nga naeenganyar ha konsumerismo ngan huralwa nga panginabuh.

Iginhihinambog han mga *call center* nga may-ada pa gihapon mga benepisyo an mga empleyado ha ira mga opisina, pareho han libre nga paggamit han kagamitan pan-ehersisyo, libre nga kape, libre nga dul-ong-tapo ha istasyon han tren ngan iba pa.

Kundi may-ada mga partikular nga kakurian ha kamutangan han ira pagtrabaho. Damo ha ira an nagkakasakit dara han dis-oras

ngan kondisyon han ira trabaho. Kaupod dinhi an grabe nga pagsakit han ulo tungod ha piraw ngan pagtinutok ha kompyuter, sakit ha bagà tungod ha grabe nga hagkot han ira mga opisina ngan iba pa. May-ada mga nalulurong durot han berbal nga pangangabuso han mga kostumer. Agsub hira mahiagum hin pambabastos ngan panmumuyayaw tikang ha mga natawag nga kostumer. Damo liwat an nagigin biktima han krimen tungod ha disoras nga pagsakob ngan paggawas ha trabaho nga kaurugan tikang katutnga han gab-i tubtub kaagahon.

Ha kamatuoran, gin-aabuso han mga kompanya an mga *call center agent*. An trabaho ha mga *call center* usa ha mga trabaho nga waray hingaradtuan. An ngatanan nga ira gin-adman ngan nahibaruan ha mga kolehiyo ngan unibersidad nahingangadto ha pagigin mekanikal nga paragkarawat na la hin mga tawag han mga kliyente ha mga langyawanon nga kompanya nga nakabase ha kada tagsa nira nga nasud.

Ginpapaserbe yana nga modelo an mga *call center agent* han peke nga pag-uswag han ekonomiya. Kundi ha kamatuoran, diri makakabulig an mga *call center* ha pag-uswag han ekonomiya. Ginpaprabe la hini nira an imperyalista nga paniniyupi ha Pilipinas, prinsipal na pinaagi han paniniyupi ha barato nga kusog pagtrabaho. Ginpupugngan hini an pag-uswag han ekonomiya basar ha pagpauswag han mga batakan nga industriya han nasud.

Ha kamatuoran, pareho la han tagdamo nga paggawas han mga migrante nga trabahador ha iba nga nasud para mamiling hin matrabahuan, an pag-uswag han empleyo ha mga *call center* nagtatahub na la ha atrasado nga ekonomiya, kawaray tinuod nga nasunal nga industriya ngan samwak nga dis-empelyo ha nasud. **AB**

Pagpapaserra han mga Amerikano ha ospital ha Sulu, ginkondenar

Ginkondenar han iba-iba nga mga sektor an pwersado nga pagpapaserra kada gab-i han mga sundalo nga Amerikano ha usa nga ospital pampubliko ha Sulu.

Sigon kan Dr. Silak Lakkian, hepe han Panamao District Hospital ha Sulu, gintikangan han usa nga Master Sergeant Ronburg han US Army hadton Nobyembre 30 an pagpapatuman han kasuguanan nga igsera an ospital pagka- 6 han gab-i. Bisn paman nga waray iginhatag nga rason an mga tropa nga Amerikano, klaro nga an basaranan hini nga pitad amo an kontrolon an gios han mga sibilyan pagsirom. Usa ini nga iligal nga pitad nga mapanhibang ha interes han katawhan ha lugar.

Igin-insister ni Rafael "Ka Paeng" Mariano, tsirman han Kilusang Magbubukid ng Pilipinas (KMP) an paghimo hin hilarum nga imbestigasyon han *Lower House* ngan han Senado hini nga panhitabo. Sering niya, "Klaro ini nga pagtalapas ha Visiting Forces Agreement (VFA) ngan tampalo ha nawong han katawhan Pilipino."

Bunga han gidadamui nga pagkondenar, ngan para malikyan an hilarum nga imbestigasyon, napiritan an embahada han US nga igmando an pagatras han nasering nga pitad.

MILF, plano umatras ha erestorya pankamurayawan

GINPAPLANO han mga negosyador han Moro Islamic Liberation Front (MILF) nga umatras na ha pakikig-negosasyon ha Gobyerno han Republika han Pilipinas (GRP).

Sering han MILF, waray igpatuman han GRP an mga punto nga ginkasarabutan nira ha Malaysia hadton Nobyembre 15.

Sigon ha mga propagandista ni Arroyo, nakatalaan na pirmahan han magkaluyo nga gapil an usa nga Memorandum of Agreement nga asya an magtatapos kuno han hilaba na nga pakigbisog han Bangsamoro. Ini nga mga kasarabutan an gintatawag han MILF nga *consensus points* o mga punto nga ginkaurusahan.

Usa ha mga prinsipal nga isyu an "*ancestral domain*" o an karukayaknon hiunong han ira mga ansestral nga katunaan. Sigon kan retirado Gen. Rodolfo Garcia, hepe han mga negosyador han gobyerno Arroyo, nagkasabot an duha nga gapil ha mga gig-utan han teritoryo han Bangsamoro, kalakip an mga gig-utan han kadagatan.

Kundi hadton Disyembre 17 ginboykot han MILF an nakatalaan

nga erestorya ha Kuala Lumpur, Malaysia ngan iginbuksas an pagbaliskad han gobyerno Arroyo ha ginkaurusahan nira hadton Nobyembre. Pagkatapos han balungay hin mga akusasyon ngan mga armado nga agway han magkaluyo nga gapil, nagpahayag hi Executive Secretary Gen. Eduardo Ermita nga an karukayaknon hiunong ha "*ancestral domain*" pinal nga pagdedesiyunan ha plebisito nga hihimuon kasumpay han *charter change*. Nاسوبay ini ha ginbalayan han GRP nga memorandum nga may-ada reserbasyon nga an pagpapatuman han mga kasarabutan angay maghasog ha "proseso nga konstitusyunal" han Republika han Pilipinas.

Mas grabe pa, kasunod nga iginpahayag ni General Garcia nga diri hira makikighimangraw ha MILF kun diri ini magsurender han ira mga armas. Komo baton, nagwarning an panel han MILF, ha pamumuno ni Mohagher Iqbal, nga maatras hira ha erestorya pankamurayawan ngan huhulaton na la nira an masunod nga administrasyon nga mas magigin makarukarawat ha ira.

899 nga tropa nga Amerikano, namatay ha Iraq hadton 2007

INAMIN han pinakahitaas nga opisyal han US Armed Forces hadton Disyembre 31 nga inabot ha 899 an mga tropa Amerikano an namatay ha Iraq hini nga 2007. Ini na an pinakadako nga kaswalti nga nahiaguman han mga tropa Amerikano tikang sakupon han gobyerno nga Bush an nasud Iraq hadton Marso 2003.

Nalabwan hini an rekord hadton 2004 kun diin 850 nga Amerikano an namatay ha gerra didto. Inabot na ha 3,902 nga sundalo nga US an namatay ha Iraq hini

nga naglabay nga lima katuig.

Yana nga tuig gin-aantum han higtaas nga opisyal militar han US ha Iraq nga labaw nga magigin bulnerable an ira mga pwersa ha mga atake han mga gerilya nga Iraqi dara han hinay-hinay nga pag-iiban han tropa han pira nga nasud nga kaupod ha koalision nga mananakop pareho han United Kingdom, an prinsipal nga alyado han US ha pangangatake ha Iraq. Nagpaplano liwat an Poland ngan Australia nga hul-os na nga ig-atras an ira mga pwersa.


Cuba, nagtanyag hin bulig medikal ha Pilipinas

NAGTANYAG hin bulig medikal an gobyerno han Cuba ha Pilipinas para maibanan an padayon nga paghubas han mga tawo nga nakagaram ngan may-ada kabatiran medikal tungod ha pagtatrabaho ha iba nga nasud. Nahibaruan ini ha interbyu han midya kan Ambassador Jorge Roy Jimenez han Cuba hadton Disyembre 2007. Sigon ha embahador, gin huhulat pa gihapon han gobyerno han Cuba an baton han gobyerno Arroyo ha ira tanyag.

"Nagsusulwaka" an Cuba ha mga doktor ngan iba pa nga tawuhan medikal, sigon ha ira embahador. Kaparte han internasyunal nga pakikig-relasyon han Cuba an pagtatanyag hin bulig medikal ha mga nasud nga nanginginahanglan. May-ada 17,000 nga doktor ngan dentista nga Cuban nga nagseserbisyo ha Venezuela kabalyo han 100,000 kadram hin lana kada adlaw para ha Cuba.

May-ada usa nga doktor para ha kada 158 nga mulupyo ha Cuba. Ha US naman may-ada usa nga doktor ha kada 150 nga mulupyo. Samtang, ha Pilipinas, may-ada usa nga doktor ha kada 10,000 tuhtub 26,000 nga Pilipino. Dugang pa nga magrabe ini nga proporsyon ha Pilipinas samtang nagtitikadamo an mga doktor nga nagpapalangyaw nga labnasan.

Ha luyo han makababaraka nga kahimtang medikal ha nasud, haros palabas an ginhihimo han presente nga gobyerno ha programa nga panlawas atubangan han waray wantas nga pagpapalangyaw nga labnasan han mga doktor, dentista, nars ngan iba pa nga propesyunal ha panlawas. Tikang 2000 tuhtub 2003, inabot ha 51,885 nga nars an nagpapalangyaw nga labnasan.



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Waray
Tuig XXXVIX Num. 1
Enero 7, 2008

www.philippinerevolution.org


Editorial

Mag-ani hin dugang pa nga ngatanan-nga-gapil nga mga kadaugan yana nga tuig

Yana nga 2008, ginkikit-an han Partido an usa katuig hin dagko nga ngatanan-nga-gapil nga rebolusunaryo nga pagsulong. An magranggat nga kadaugan ngan ri-ko nga eksperyensya nga nakab-ot hadton nakalabay nga tuig ngaduha ha ligal nga pakigbisog ngan armado nga rebolusyon puhunan para ha dugang pa nga pagsulong han rebolusyon Pilipino.

Ha syahan nga tuig han brutal nga kampanya nga Oplan Bantay Laya (OBL) 2, napiritan an Armed Forces of the Philippines (AFP) nga aminon nga pakyas hira nga kab-uton an mga igintalaan nira nga target nga "rumkon" an pira nga prente gerilya. Antes ini, nabuksas ha publiko an internal nga pag-ases han AFP hinunong ha kapakyasan han lima katuig nga OBL 1 nga asya an sinundan han presente nga OBL 2. Puros buwa an iginhihinambog han AFP nga narumok nira an 13 nga prente gerilya han BHB hadton 2007 ngan marumok nira an 17 pa nga prente gerilya ha syahan la nga kwarter han 2008. Mas dagko pa nga kapakyasan an aatubangon han AFP tungod ha padayon nga paglarab han kalayo han gerra han katawhan ha bug-os nga nasud.

Tikang Luzon tubtub Mindanao, ginpakyas han mga yunit han BHB an mga dibisyon, brigada ngan batalyon an kadakuon nga kampanya nga panmumuytoy nga iginlansar han AFP para rumkon an ginsesering nira nga mga "balwarte" han armado nga rebolusunaryo nga kagiusan. Ha mga prente nga gindasmagan han mga pwersa han AFP, diri la nakagpreserbar hin kusog an mga yunit han BHB, padayon pa ini hira nga nakagpahilarum hin paggamot ha masa, nakag-



Mga landaw hini nga isyu...

Mga kadaugan han rebolusyon ha Panay
PAYPAY 3

Minahan ha Cotabato, ginsirutan han BHB
PAYPAY 3

Pabrika ha butnga han kagugub-an
PAHINA 4

Mga instruksyon ha pag-iimprenta

1. An **ginsundan nga paypay**, nga eksakto nga kopya han paypay 1 gawas ha mas pus-aw an *masthead* o *logo* in para ha mga nagamit hin *mimeo machine* o nag-iimprenta ha pamaagi nga *v-type*. Gindesenyo ini para diri madali nga mahibang an istensil.

2. Pag-*print* ha istensil:

- a) Ha *print dialog*, i-*check* an **Print as image**
- b) Tanggalon an *check* ha **Shrink oversized pages to paper size**
- k) I-*click* an **Properties**
- d) I-*click* an **Advanced**
- e) Seguruhon nga naka-set ha **100%** an **Scaling**
- d) Ipadayon an pag-*print*

3. Gin-aaghat an mga kasama nga ipaabot ha patnugutan han *AB* an anuman nga problema kasumpay han pag-iimprenta pinaagi han *v-type*. Magpadara hin *email* ha angbayan@yahoo.com